



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqtu imaattoq saqqummiuppara:

Naalakkersuisunut apeqqtu:

1. Sulinermi ajoqusernerit nunatsinni qanoq nalunaarsorneqarpat ?
2. Sulinermi ajoqusernerit Ukiuni kingullerni qassini nalunaarsorneqarsimanerat takuneqarsinnaava ?
3. Sulinermi ajoqusernerit nalunaarsorneqarsimasut ukiunut agguarlugit qassiuppat, taakunanga qassit akuerineqarsimapput ?
 - a. Amma qassit itingartinneqarsimappat ?
 - b. Itingartitsinernut suut pissutaappat ?
 - c. Nunatsinni innuttaasut ilaat sulinermi ajoqusersimanerup kingunerisaanik atungarliuuteqalersimasut, imaluunniit timikkut ajoqusersimaneq pissutigalugu pisinnaasatigut naalliuuteqalersimasut, kisianni sulinermi ajoqusernerup nalunaarutigineqarsimanerata piffissarititaasup qaangiutereernerata kingunerisaanik itingartitsineq pissutigalugu akuerineqarsimannngitsut suliamik ingerlatitseqqissinnaanerat qanoq periarfissaqarpa ?
 - d. Sulisilluni ajoqusersimaneq tunngavigalugu suliassat qassit eqqartuussiveqarfiit aqqutigalugit aaliangiiffigineqarsimappat ?
 - e. Taakunani suliat qassit eqqartuussivinni (nunatsinni danmarkimilu) akuerineqarsimappat imaluunniit itingartinneqarsimappat ?

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Inuit amerliartuinnartut qujanartumik pisinnaatitaaffitik ilisimaleriartorlugit ilaatigut sulinermi ajoqusersimaneq tunngavigalugu saaffiginnittartut amerliartorput. Aamma tamatuma malitsigisaanik inuit ilaasa pisortaniit sullinneqarnertik ilumut pissusissaq eqqorlugu ingerlanneqartarsimanersoq apeqqusertalersimavaat.

Inuit ilaat sulinermi ajoqusersimasut, piffissamili siullermi ajoqusernerup annerusumik kingunipiloqarsinnaananik naatsorsuuteqarsimanngitsut, kisiannili ukiut ingerlanerini sulinermi ajoquserneq taanna ima ajorsisimatigippat, allaat ajoquserneq taanna ulluinnarni inuunermut nuanniittorsiornermut naalliuuteqarnermut ilami allaat timimik atuinissamut killileerujussuarsimappat, taava sulinermi ajoqusersimasoq, kisiannili qinnuteqaatimini akuerineqarsimanngitsaq suliamik qanorluunniit pisoqalisimatigineqarsimangaluarpat, inuit taakku suliamik ingerlatseqqissinnaanera qanoq periarfissaqarnersoq paaserusuppara, tassami inuit arlallit misigisimapput sulinermi ajoqusersimanertik pissutigalugu inuussutissarsiornermut tamakkiisumik imaluunniit ilaannakuusumik aamma timikkut peqqinnerulernissamik siunertaqarluni siunertaqarluni iliuuseqarnissamut periarfissat annikillerujussuarternerat pissutigalugu inuit taama nalaataqarsimasut unittuinnartariaqartarsimapput.

Taamaattumik apeqqutit qulaani taaneqartut itinerusumik paasisaqarfigissallugit pisariaqartippagut.